



IPUIN SARITUEN ARGITALPENAK:



TEODORO HERNANDORENA XII. IPUIN LEHIAKETAKO SARI BANAKETA: Abenduaren 20an Atxulondo Kultur Etxean



TEODORO HERNANDORENA XII. IPUIN LEHIAKETA

TEODORO HERNANDORENA
XII. IPUIN LEHIAKETA

Zizurkilgo Udaleko Euskara Sailak, Andoain, Aduna, Alkiza, Asteasu, Amasa-Villabona, Anoeta, Irura, Larraul eta Zizurkilgo jendearen artean idazteko zaletasuna sustatu nahian, **TEODORO HERNANDORENA XII. IPUIN LEHIAKETAREN** deialdia egiten du.

Deialdia honako oinarri hauen arabera arautuko da:

1.- Deialdi honen xedea jendearen artean idazteko zaletasuna bultzatzea da eta Andoain, Aduna, Alkiza, Asteasu, Amasa-Villabona, Anoeta, Irura, Larraul eta Zizurkilgo herritarrek parte hartu ahal izango dute.

2.- Aurkezten diren lanek egile bakarra izan behar dute eta partaide bakoitzak gehienez bi lan aurkez ditzake.

3.-Lehiaketa bost mailetan banatuko da:

- A. Maila: 6-8 urtekoena.
- B. Maila: 9-11 urtekoena.
- C. Maila: 12-13 urtekoena.
- D. Maila: 14-16 urtekoena.
- E. Maila: 17 urtetik gorakoena.

4.- Gaia librea izango da eta erabili beharreko hizkuntza euskara.

5.- Lanen luzera honako hau izango da:

- A. Maila: orrialde 1.
- B. Maila: 2 orrialde.
- C. Maila: gutxienez 2 eta gehienez 4 orrialde.
- D. Maila: gutxienez 3 eta gehienez 8 orrialde.
- E. Maila: gutxienez 5 eta gehienez 12 orrialde.

Kasu guztietan DIN A-4 neurrian aurkeztuko dira eta makinaz edo ordenadorez idatzita.

6.- Lan bakoitzaren bi kopia entregatu beharko dira azaroaren 25a bitartean, egun hau barne, eguerdiko 14:00ak baino lehenago Zizurkilgo Udaletxean edo Udal Bulegoetan.

7.- Izenburuaren alboan, egilearen izengoitia eta adina jarri beharko dira, egilearen nortasuna gordetzeko. Lanekin batera, gutun-azal itxi bat aurkeztuko da. Gutun-azalaren barnealdean lanaren egilearen izen-

deiturak, helbidea, telefonoa eta adina jarriko dira. Gutun-azalaren kanpoaldean, berriz, lanaren izenburu berbera eta egilearen adina soil-soilik.

8.- Sariak maila bakoitzerako honakoak izango dira:

- A. Maila: 1. Saria: Oparia.
2. Saria: Oparia.
- B. Maila: 1. Saria: Oparia.
2. Saria: Oparia.
- C. Maila: 1. Saria: 90 euro.
2. Saria: Oparia.
- D. Maila: 1. Saria: 150 euro.
2. Saria: Oparia.
- E. Maila: 1. Saria: 450 euro.
2. Saria: Oparia.

9.- Epaimahai aditu batek erabakiko du lan sarituak zein diren. Zizurkilgo Udalak bere ordezkaria izango du epaimahaiaren eta idazkari bat ere izendatuko da.

10.- Sariak eman gabe utz daitezke Epaimahaiaren iritziz aurkeztutako lanek behar adina kalitaterik ez badute.

11.- Lan sarituak Udalaren esku geldituko dira, eta egoki iritziz gero argitaratu egingo ditu, baina ez da horregatik jabetza eskubiderik izango. Horretarako saritutako lanen jabeek ipuinaren disketea eta argazki bat entregatu beharko dute saria jasotzeko egunean.

12.- Sarituak izan ez diren lanak urtarrilaren 7tik 17ra jaso ahal izango dira.

13.- Sari banaketa, abenduaren 20an egingo da.

14.- Baldintza hauetan zalantzarik balego, hautaketa egiten duen epaimahaiaren iritzia izango da nagusi, horren erabakia apelaezina izango delarik.

15.- Lehiaketa honetan parte hartzeak, baldintza hauek goitik behera onartzea dakar berekin.